



Inatsisartunut ilaasortaq Knud Kleemann, Atassut
inatsisartut@inatsisartut.gl

**Internetimik oqarasuaateqarnermillu atuineq pillugu § 37 naapertorlugu
apeqquteqaammut 2025-189-imut akissut**

Dato: 19-11-2025
Sagsnr.: 2025 - 23048
ID. nr.: 78793512

Asasara Knud Kleemann

Inatsisartut suleriaasianni § 37 naapertorlugu internetimik oqarasuaatinillu
atuisinnaaneq pillugu Naalakkersuisunut apeqquteqaateqarputit. Apeqqutitit uannit
akineqartussatut innersuunneqarput. Apeqqutitit matuma kinguliani ataasiakkaarlugit
allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1. Nunatta sineriaani sumiiffiit internetikkut oqarasuaatikkullu
attaveqanngitsut sumiissusersillugit nalunaarsorneqarnikuuppat?**

Akissut: Ineqarfinnut tamani, Qeqertat kisimik pinnatik mobiltelefonikkut internetimullu
attavilertoqarsinnaavoq. Inoqarfiit avataanni tunngaviusumik taamaallaat inoqarfiup
mobiliinut antenne-anut attaveqartoqarsinnaatillugu mobiltelefoninik internetimullu
atuisoqarsinnaavoq.

**Apeqqut 2. Nunarput tamaat pinngortitami, imaani Nunarput tamaat patajaatsumik
oqarasuaatitigut internetitikkullu attaveqaasersuinissamut Naalakkersuisut
qanoq pilersaaruteqarpat.**

Akissut: Nunatsinni inoqarfinni tamani patajaatsumik mobiltelefonikkut internetimullu
attaveqartoqarsinnaanera Naalakkersuisut anguniagaraat. Naalakkersuisut inoqarfiit
avataanni oqarasuaatinut internetimullu attavilersuinissamik pilersaaruteqanngillat.

Innuttaasut inoqarfiit avataanni VHF-radiunik, oqarasuaatinik qaammataasatigut
attaveqartunik ajornartoornermilu attaveqaatinik qaammataasatigut attavilinnik allanik
atuisaqqullugit kajumissaarneqarput.

Apeqqut 2.a. Nunarput tamakkerlugu attaveqaasersuinissaq qanoq akeqassava?

Akissut: Naalakkersuisut § 37 naapertorlugu apeqquteqartarnermut sinaakkusiussat
iluanni apeqqutip akinissaanut periarfissaqanngillat.

Apeqqut akineqassappat Kalaallit Nunaanni nunap sananeqaataanik mobiliinullu
antenne-nik inissiiviusinnaasunik tamanik misissueqqissaartoqartariaqarpoq.
Misissueqqissaarneq taamaattoq mobiliinut antenne-t aammalu nukissiamik
pilersuinernut aqqusinernullu attaveqaasersuutaasa amerlassusissaasa pisariaqartut
aalajangersarneqarnerinik imaqtartussaassaaq. Kiisalu qaammataasanut teknologiit
atorneqartussat misissoqqissaarneqarnissaat, aammalu attaveqaqatigiinnermut

qaammataasat atorlugit sullissisuusunut isumaqatigiissuteqarnissamut periarfissat misissoqqissaarneqarnissaat pisariaqartussaavoq.

Tassalu misissueqqissaarnermi anguniakkat annertussusissaat killilernerqartussaapput. Tassani nunami sumiiffinnut, teknologiimut niuerfimmullu killiliisoqarnissaa pineqarpoq. Aamma tassani nunami sumiiffinnut killiliinermi Sermersuaq anguneqarsinnaassanersoq, aammalu sumiiffiit qaqqat mobilit napparutaannut alanngisimanerat pequtugalugu attaveqarfiusinnaanngitsut qanoq annertutiginersut eqqarsaatigineqarpoq. Teknologimut killiliinermi inaarutaasumik atuisuusussaq attaveqaasersuutini ikkussuissappat, sumiiffik attaveqarfiusinnaassanersoq pineqarpoq.

Niuernermut tunngatillugu apeqput misissueqqissaarnermi aaqqiissutissat, niuernermi atugassarititaasunik isumaqatigiisummillu annertuumik allannguisussat annertussusaannut tunngasuuvuq, taamaalillunilu misissueqqissaarnermi akuersisummik pigisaqartumut, taamaalillunilu akuersisummik pigisaqartup atuisuinut saniatigut aningaasaqarnikkut kingunerisassat ilaatinneqartussaapput.

Taamatut ittumik misissueqqissaartoqassappat, siunertamut aningaasanik amerlasuunik immikkoortitsisoqartariaqassaaq.

Apeqput 2.b. Allallu suut pisariaqartinneqassappat?

Akissut: Apeqput 2.a.-mut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede